

muodo. Poi sier Antonio Surian dotor et cavalier savio a terraferma, dicendo se dia far passar al tutto; et fe' bona renga. Poi parlò sier Zacaria Trevisan Savio ai ordeni, qual voleva si facesse 5 in 6 milia fanti et 300 homeni d' arme et far quelli passar di là, et non mover altramente il nostro exercito; et fe' bona renga. Ma bisognava dicesse far passar di fanti havemo, et non farli per passar etc. Hor li tre Savii messeno indusiar; il Serenissimo, Consieri et Cai di XL intrò in la parte del passar. 2 non sincere, 6 di no, 49 di l'indusia, 154 del Serenissimo et altri, et fu preso il passar. Et si venozoso a hore 4 di notte.

354\* In questa mattina sier Zorzi Corner el cavalier procurator, rimasto Savio del Conseio di Zonta, varito, intrò in Collegio ma non fu in Pregadi.

*Item* in Quarantia Criminal, per el piedar di Avogadori fu preso retenir sier Zuan Filippo Pasqualigo qu. sier Filippo Maria, qu. sier Marco, per haver in barca di Padoa forzato una donna puta.

Noto. Questa matina vidi in la sala di Pregadi una bella cossa; uno seachier grandissimo bellissimo in tondo et alto lavorato d' arzento et d' oro con calzedonie, diaspri et altre zoie, et li scachi di cristallo finissimo, fo di sier Giacomo Loredan qu. sier Piero da Santa Maria Formoxa, qual dete in dota a do sue fie maridate in sier Christofal et sier Marco Donado qu. sier Andrea da San Polo. Il qual fo portado perchè sier Piero Lando suo barba lo volse mostrar al Serenissimo et al Collegio si volevano comprar per mandarlo a donar al Signor turco con sier Marco Minio va orator a Costantinopoli, qual fu fatto per mondarlo a vender al soldan Gauri. Et dimandano di questo ducati 5000.

Noto. Eri sera gionse in questa terra sier Lorenzo Bragadin amalato, venuto per l'Adexe in uno burchieio, qual dovea andar orator al re Christianissimo, et per la malattia li vene li fo dà nel Senato licentia; et ha la febre.

A dì 8. Fo il zorno del bia' Lorenzo Justinian, ma non si vardò come l'altro anno; et li officii et banchi sentono, et le botteghe aperte per la terra; ch'è stà mal fatto.

A hora di terza vene uno sensibel terramoto, che corlò un poco ma non fe' danno. Da molti fu sentito.

Veneno in Collegio il Legato del Papa et l'orator di Franza, ai qual per il Serenissimo li fo ditto la deliberation fata dil passar Po del Capitano zeneral con lo nostro exercito etc. I quali ringratiorno molto, laudando tal deliberation.

In questa matina in Collegio fo letto una lettera di sier Nicolò Trivixan proveditor zeneral in Dalmatia, data in porto di Sibenico. Come, havendo hauto per lettere di sier Benedeto Valier conte et capitano de li aviso che turchi erano per venir li apresso, et essendo la terra voda per causa di la peste, scoreva pericolo la terra; unde lui, era a Zara, subito armò barche li et a Traù et con 20 barche armate et smontò solo, parlò al retor trovando non esser vero che l' sanzacho dovea venir con 30 milia persone; ben disse esser morti da peste li 1500 persone. Licentiò le barche et si partì. Aricorda si mandi una galia con vituarie perchè patise assai.

Dapoi disnar fu Gran Conseio. Non fu il Serenissimo; et fo balotato le voxe restate del zorno del Procurator, et fate altre 9 di novo.

#### *Cinque del Conseio di XL Zivil del Conseio precedente.*

|                                                                                   |         |
|-----------------------------------------------------------------------------------|---------|
| Sier Bernardin Polani fo zudexe di                                                |         |
| Petizion, qu. sier Luca . . . . .                                                 | 446.583 |
| Sier Cristofal Marin fo Cao di XL qu.                                             |         |
| sier Francesco . . . . .                                                          | 378.629 |
| Sier Zuan Sagredo fo XL zivil, qu.                                                |         |
| sier Alvise . . . . .                                                             | 369.648 |
| Sier Zuan Batista di Garzoni fo XL,                                               |         |
| di sier Hironimo qu. sier Marin,                                                  |         |
| procurator . . . . .                                                              | 322.794 |
| Sier Andrea Michiel fo auditor vecchio, qu. sier Lunardo dopio . . . . .          | 514.794 |
| † Sier Lunardo Foscari fo zudexe di                                               |         |
| Petizion, qu. sier Zacharia . . . . .                                             | 562.456 |
| Sier Francesco da Molin fo sopraconsolo, qu. sier Bernardin . . . . .             | 394.612 |
| Sier Bernardo Pixani fo Cao di XL, qu. sier Francesco <i>Dal Banco</i> . . . . .  | 392.609 |
| Sier Stefano Gixi fo Cao di XL, qu. sier Marco . . . . .                          | 390.626 |
| † Sier Zuan Alvise Grimani fo XL zivil, qu. sier Zacaria . . . . .                | 541.501 |
| Sier Simon Diedo fo Cao di XL, qu. sier Arseni . . . . .                          | 504.506 |
| Sier Lunardo Bembo fo podestà et proveditor a Roman, qu. sier Francesco . . . . . | 394.613 |
| † Sier Giacomo Boldù fo ai X officii, qu. sier Hironimo . . . . .                 | 722.292 |
| † Sier Hironimo Tiepolo fo proveditor                                             |         |